

Y Athro Fonesig Julie Lydon  
Cadeirydd y Comisiwn Addysg Drydyddol ac Ymchwil  
Rhif 2 Cwr y Ddinas  
Stryd Tyndall  
Butetown  
Caerdydd  
CF10 4BZ  
[julie.lydon@medr.cymru](mailto:julie.lydon@medr.cymru)



Llywodraeth Cymru  
Welsh Government

26 Mawrth 2026

Annwyl Athro Fonesig Julie Lydon,

### **Cymorth ariannol Llywodraeth Cymru i Medr, y Comisiwn Addysg Drydyddol ac Ymchwil: 2026-2027**

Yn dilyn cymeradwyaeth y Senedd o gyllideb Llywodraeth Cymru ar gyfer 2026-27 rydym yn falch o gadarnhau ein cyllid ar gyfer Medr ar gyfer blwyddyn ariannol 2026-27.

Darperir y cyllid er mwyn i Medr gyflawni'r swyddogaethau sydd ganddo o dan y ddeddfwriaeth berthnasol, yn enwedig Deddf Addysg Drydyddol ac Ymchwil (Cymru) 2022 fel y'i cychwynnwyd. Fe'i darperir hefyd er mwyn cyflawni'r swyddogaethau y mae'n eu harfer ar ran Gweinidogion Cymru, yn unol â'r hyn a nodir yn y Cytundeb Asiantaeth rhwng Medr a Gweinidogion Cymru, a wnaed o dan adran 83 o Ddeddf Llywodraeth Cymru 2006.

Rydym yn disgwyl i Medr barhau i gyflawni ei Gynllun Strategol fel y'i cymeradwywyd gan Weinidogion Cymru ac yn cydnabod y bydd Medr yn cyhoeddi Cynllun Gweithredol diwygiedig ar gyfer y cyfnod sy'n dechrau 1 Ebrill 2026.

Mae cyllideb cymorth grant o **£1,018,508,000** ar gyfer blwyddyn ariannol 2026-27 wedi'i nodi ar gyfer Medr, fel y nodir yn Atodiad 1.

Mae'r atodiad yn cynnwys dyraniadau ychwanegol i Medr i gefnogi'r canlynol:

- costau ychwanegol ar gyfer cymorth anghenion dysgu ychwanegol (ADY) mewn colegau addysg bellach (£4.1m);
- parhau i sicrhau cydraddoldeb cyflog mewn colegau addysg bellach a chweched dosbarth ysgolion (£14.1m);
- costau lleoliadau AGA mewn addysg uwch (£2.5m);
- cynnydd i'r gronfa ariannol wrth gefn ar gyfer addysg bellach (£0.4m);
- ehangu'r rhaglen Prentisiaethau Iau ymhellach (£0.4m);
- cyfrifoldebau Medr i ariannu Estyn ar gyfer arolygiadau addysg a hyfforddiant ôl-16 o dan Ddeddf Addysg Drydyddol ac Ymchwil 2022 (£2.04m).

Fel rhan o'r gyllideb derfynol, roedd dyraniadau pellach o £8.706m ar gyfer Medr. Roedd hyn yn cynnwys:

- Cyfranogiad mewn addysg bellach (£5.0m);
- Cyflogau addysg bellach (£2.866);
- Cyflogau chweched dosbarth (£0.687m);
- Cyflogau Medr (£0.137m);
- Cyflogau Estyn (£0.016 miliwn).

Roedd yr addasiadau cyflog i adlewyrchu'r cynnydd o 1% yn y rhagdybiaethau cynllunio o 2.2% yn y gyllideb ddrafft i 3.2% yn y gyllideb derfynol.

Yn ogystal, mae **£0.400m** yn cael ei ddyrannu i Medr yn 2026/27 ar gyfer y rhwydwaith o Hybiau Reach a gydlynir gan Goleg Caerdydd a'r Fro sy'n cefnogi cyflawni asesiadau ESOL ac atgyfeirio at ddarpariaeth.

Fel yn y flwyddyn ariannol flaenorol ers sefydlu Medr, dylid ystyried elfennau addysg a phrentisiaethau'r cyllid fel elfennau sydd wedi'u neilltuo. Bydd rhagor o fanylion am y blaenoriaethau polisi a'r defnydd arfaethedig o'r cyllid prentisiaeth wedi'i neilltuo yn cael eu darparu ar wahân gan y Gweinidog Diwylliant, Sgiliau a Phartneriaeth Gymdeithasol.

Bydd yr arian yn cael ei fonitro o ran yr hyn a gyflawnir. Yn unol â'r Ddogfen Fframwaith, dylid darparu rhagolygon amserol a gwybodaeth fonitro i swyddogion, gan roi gwybod yn brydlon am unrhyw orwariant a thanwariant disgwyledig. Gall Gweinidogion addasu grant y flwyddyn yn unol â hynny, os oes angen, drwy broses y gyllideb atodol.

Rydym yn edrych ymlaen at barhau i weithio gyda chi ac uwch dîm Medr.

Yn gywir,



**Lynne Neagle AS/MS**

Ysgrifennydd y Cabinet dros Addysg  
Cabinet Secretary for Education



**Vikki Howells AS/MS**

Y Gweinidog Addysg Bellach ac Uwch  
Minister for Further and Higher  
Education

Rebecca Evans.

**Rebecca Evans AS/MS**

Ysgrifennydd y Cabinet dros yr  
Economi, Ynni, a Chynllunio  
Cabinet Secretary for Economy,  
Energy, and Planning

JACK SARGEANT

**Jack Sargeant AS/MS**

Y Gweinidog Diwylliant, Sgiliau, a  
Phartneriaeth Gymdeithasol  
Minister for Culture, Skills, and Social  
Partnership

## **Atodiad 1**

Mae'r gyllideb adnodd a chyfalaf ddangosol a'r setliad cymorth grant wedi'u nodi yn y tabl canlynol:

<b>Maes y gyllideb</b>	<b>Swm</b>
Addysg drydyddol - cyffredinol	£848,687,000
Eitemau wedi'u neilltuo:	
Prentisiaethau iau 14-16	£1,000,000
Cyflogadwyedd a menter	£360,000
Estyn	£2,056,000
REACH	£400,000
Diwylliant – Darpariaeth conservatoire cerddoriaeth a drama y celfyddydau perfformio	£1,970,000
Prentisiaethau	£150,535,000
<b>Cyllideb refeniw net:</b>	<b>£1,005,008,000</b>
Cyllid nad yw'n arian parod (dibrisiant)	£437,000
<b>Cyllideb adnoddau</b>	<b>£1,005,445,000</b>
Cyfalaf addysg uwch	£10,000,000
Cyfalaf digidol addysg bellach	£3,000,000
Cyfalaf gweithredu Medr	£500,000
<b>Cyllideb gyfalaf</b>	<b>£13,500,000</b>
<b>Cyfanswm y gyllideb adnodd a chyfalaf:</b>	<b>£1,018,945,000</b>
<i>Addasiadau cymorth grant:</i>	
<i>Wedi tynnu'r addasiadau nad ydynt yn arian parod (dibrisiant)</i>	£437,000
<b>Cyfanswm y cymorth grant (arian parod)</b>	<b>£1,018,508,000</b>

Rhagwelir y bydd cyllid refeniw ychwanegol yn cael ei ddyrannu yn ystod y flwyddyn drwy broses y gyllideb atodol, a bydd yn cael ei neilltuo'n briodol. Bydd cadarnhad o'r cyllid hwn yn cael ei gyhoeddi mewn llythyrau ariannu.

## **Atodiad 2**

### **Ffynonellau incwm eraill**

O dan Ddeddf Llywodraeth Cymru, mae dyletswydd ar Lywodraeth Cymru i adrodd am bob ffynhonnell incwm arall ar gyfer pob corff sydd o fewn ffiniau'r llywodraeth ganolog a'u rheoli o fewn terfyn rheolaeth cwmpas incwm cyffredinol y cytunwyd arno gan Senedd Cymru. Er mwyn galluogi Llywodraeth Cymru i aros o fewn y terfyn rheolaeth hwn, yr incwm y caiff Medr ei gadw o ffynonellau eraill i gyllido gweithgarwch yn ystod y flwyddyn at ddibenion adnoddau refeniw yw £50,000. Nid y terfyn goddefiant ar gyfer arian parod a gedwir ar ddiwedd y flwyddyn yw'r swm hwn. Rhowch wybod i'ch tîm Partneriaeth os ydych yn disgwyl y bydd yr incwm hwn yn newid yn ystod y flwyddyn ariannol.

### **Prif ystyriaethau**

Mae'r datganiad o flaenoriaethau a'r ddogfen fframwaith a roddwyd i'r Comisiwn Addysg Drydyddol ac Ymchwil yn nodi amrywiol ofynion gweithredol ac yn cyfeirio at ganllawiau a pholisïau'r llywodraeth y mae angen i waith ymchwil y Comisiwn Addysg Drydyddol gydymffurfio â nhw, yn ogystal â'i ddyletswyddau a'i gyfrifoldebau ei hun fel sefydliad cyhoeddus yng Nghymru.

Pennaeth eich tîm partneriaeth yn Llywodraeth Cymru yw Claire Rowlands a'ch cyswllt arferol yn y tîm yw Craig Greenland: [craig.greenland@llyw.cymru](mailto:craig.greenland@llyw.cymru).

Trefnir cyfarfod â'ch tîm partneriaeth i gytuno ar drefniadau goruchwylio a monitro priodol.

Dylid hawlio cyllid yn y modd y cytunwyd arno gyda'r tîm cyllido addysg drydyddol a dylid cyflwyno ceisiadau am gyllid i Lisa Drury: [lisa.drury@llyw.cymru](mailto:lisa.drury@llyw.cymru).